

ACD Val Badia - ASD Predoi

Inviato da Renato

Ultimo aggiornamento martedì 01 agosto 2023

Domènia, 28. mà 2023

Rové ia le campionat cun na pordöda te ciasa. N campionat da dër püces sodesfaziuns y pen ultim post te tlassament Nianca la sodesfaziun de davagné l` ultima partida te ciasa cuntra i ultimi dl Prettau, né jöda à bun fin. Chisc na mai ciamò davagné te chesc campinat 2022/23 na partida. Cun gran agoniscm y combaton sön vigni palê esi stá bugn da rodé le resultat da súa pert. I porté à ciasa na diventa "storica" che é bele stada festejada cun i fans gnüs para dô la partida dla zona "Pradel".

La Val Badia na nia pité na gran prestaziun, tröc ince i sogadus che ne nia à desposiziun dl "mister" Crepaz. Te porta à "esordí" Alex Kastlunger, che na nia podú evité i dui goi. Ti aodun tröpes sodesfaziuns y de bunes parades tl campionat che vegn. Dô na gran plovöda pon mete man la partida senza na gota. Al 5` menüt sön n cross él n colp de cé dl nú Burgmann che röia de puch sura porta fora. Dô da diesc menüc sön n cross de Pizzinini röia ala deviazion de cé te porta Dallapiazza, mo le arbiter scüra en fal dl medemo sön le un dl Prettau. Dô da 24` de jüch tira Stampfer da fora d' aria sech te porta. Le un Gruber jora devian da na pert fora te ciantun. Sön la trata de ciantun röia Barbolini ala deviazion te porta, indô cun na gran parada devieia demez le portier. Al 36' menüt röia te aria Sintoni che sön le contrast cun n defensur toma, le arbiter cunzed en önesc metri danter les tröpes protestes de chí da Prettau. La trata de Sintoni sön la man ciampa dl portier porta al vantaje por i ladins. Al 43ejim él na passada basa da fora dl aria che röia danter i defensurs Ploner y Barbolini ite dan porta al bel sú nú Burgmann che na nia dificulté da bate Kastlunger por le 1 a 1. La posizuin dl atacant é bunamenter de fora dl jüch, mó le arbiter à lascé jí. Magari ince porciodí che al à dé denat le önesmetri en pú ala "scelta". Al 47^ menüt röia le "capitan" Stampfer sú dan porta ala trata, che röia de püch sura la stangia de porta fora. Le Prettau cresc y vegn tres da nú prigorius t` aria. Al 71ejim él deplú rebatödes dan porta de Kastlunger sön trates dl Prettau, cun en pú de fortuna se salvun. Al 84` menüt él n contrast danter Barbolini y n atacant puster, sön le limit o fora dl aria. Dô gran domandes y respostes cunzed le direttur n önesc metri al Prettau. Cun na trata à mesa alteza sön la man ciampa de Kastlunger segna le tresc Obermair le un à dui por i ghesc. I pustri ne lascia nia plú ia le diventa combaton sön vigni curan. Sce le alenadù "Tormenta" Crepaz se es aspeté n` ultima diventa denant chó lascé la squadra, chesta ne nia stada. A vel n gran dilan por le bun laur fat te düc chisc agn, cun bun savei y tröpa pazienza. I dot le bun por le dagní sportiv y privat da pert de döt l' Acd Val Badia.

ACD Val Badia - ASD Predoi: 1 - 2

Formaziun Val Badia: 1.Alex Kastlunger, 2.Simon Graffonara (dal 75` Luca Valentini), 3.Marc Mayr (dal 46` Omar Crepaz), 4.Max Videostt, 5.Matteo Ploner, 6.Florian Barbolini, 7.Alexander Ploner (dal 46` Roberto Del Negro), 8.Alex Stampfer (capitan), 9.David Pizzinini, 10.Simone Dallapiazza (dal 75` Andre Costner), 11. Emanuele Sintoni (dal 46` Alex Miribung).

Alenadú: Gianni "Tormenta" Crepaz.

Gol por le Val Badia: 36` Emanuele Sintoni sön önescmetri.

Por Gianni "Tormenta" Crepaz é stada chesta l' ultima partida sciöche alenadú dla Val Badia. Dô cater agn sciöche vize, él sté i ultimi dui à cé dla squadra. À vel ti vale n gran dilan por i tröc agn che al sá tut temp, da gní sura "Ciaolunch" cá. Cun pasciun y dediziun.